



# PRIJEDOR Ko čini osmorku koju je zbog ratnih zločina uhapsila SIPA Osumnjičeni da su ubili 120 civila

Preživjeli svjedoke da je broj onih koji su odvedeni na strijeljanje veći od broja zatočenih

Prema nalogu Tužilaštva BiH, pripadnici Državne agencije za istrage i zaštitu (SIPA) uhapsili su jučer osam osoba zbog sumnje da su počinile ratni zločin na području Prijedora. Uhapšeni su: Slobodan Taranjac (60), Ranko Babić (64), Marinko Praštalo (53), Ranko Došenović (56), Zdravko Panić (57), Trivo Vukić (50) i Milan Vukić (65).

## Brutalne egzekucije

Sumnjiče se za brutalne egzekucije oko 120 civila bošnjačke i hrvatske nacionalnosti, među njima i 15 djece, koje su držali zatvorene u objektu društvenog doma u selu Miska Glava, 21 kilometar udaljenom od Prijedora, i odatle ih odvodili na smaknuća. Iz SIPA-e je saopćeno da je u okviru akcije, osim osmorice privatnih, pretreseno i pet poslovnih objekata te da će uhapšene osobe nakon kriminalističke obrade biti predate Tužilaštvu BiH.

- Zatočenike su doveli s područja Ljubije i Mataruškog Brda i iz sela s lijeve obale Sane. Preživjeli svjedoke da je broj onih koji su odvedeni na strijeljane veći

od broja zatočenih - kazao nam je Mirsad Duratović, predsjednik Udruženja logoraša "Prijedor '92".

Nakon rata žrtve su ekshumirane iz masovnih grobnica Redak I i Redak II te s lokaliteta Hozića kamen. Nermin Karagić uspio je pobjeći sa strijeljanja na lokaciji Redak. Sjeća se tortura i odvođenja muškaraca iz doma u Miskoj Glavi.

- Jedan je Srbin došao da osveti sina koji je poginuo u borbi i izveo 10 civila. Jedan je zaklan odmah pred vratima, po glasu mi se činilo da bi to mogao biti Mustafa

Karagić ili Ermin Duratović. Vidio sam kako udaraju Islama Hopovca, koji se vratio pokušavajući zaštititi glavu od udaraca. Kad smo ga unijeli nakon batinanja, bio je sav crn od udaraca - ispričao je Karagić.

## Uspješni poduzetnik

On ističe da nije vjerovao da će ubice oko 120 civila ikad biti privedene pravdi.

U Prijedoru je prvo uhapšen Slobodan Taranjac, poznat kao "uspješni poduzetnik i neimar", a njegov kompanjon u zločinu Ranko Babić nosi nadimak



**Karagić: Pobjegao sa strijeljanja**  
Lipicaner, jer je u Prijedoru iz Slavonije za vrijeme agresije dovezao ukradene konje.

**M. DEDIĆ**



**Pripadnici SIPA-e jučer u Prijedoru: Hapšenja prema nalogu Tužilaštva BiH**

## Dokumentacija Tribunala

Prema podacima koji su dio dokumentacije Haškog tribunala, žrtve su bile zatočene od 21. do 25. jula 1992. godine. Grupa od 114 civila dovezena je autobusima 21. jula u Dom kulture, gdje su premalčivani. Prilikom tran-

sporta troje je ubijeno u pokušaju bijega.

Zločin u Miskoj Glavi sastavni je dio četiri pravomoćne presude Haškog tribunala protiv krajiških Srba te u optužnicama protiv Radovana Karadžića i Ratka Mladića.